

白井秀達
訓點

十八史略

片假名附

四

特32

277

東 京 圖 書 館

漢書門

雜史類

函

六二架

七號

四冊

皇朝通志

中外史略卷之七

漢土 盧陵 曾先之 編次

日本 大阪 白井秀達訓點

卷之七

初為延安郡王神宗太漸立為太子先是蔡確遣舍
 人邢恕邀高公繪欲使白太后言延安冲妃岐嘉皆賢王也公繪懼
 曰公欲禍吾家亟去恕包藏禍心反謂太后與王珪表裏欲捨延安
 而立子顥顥已及章惇蔡確得無變且播其說於士大夫間矣神宗
 崩太子即位甫十歲太皇太后同聽政熙寧中太后已嘗流涕為神
 宗言安石變法不便既垂簾知天下厭苦日久首罷東京戶馬罷京
 東西路保馬罷京東西物貨場罷諸州鎮寨市易抵當罷汴河堤岸

宋史卷之七

司地課放市易常平免役息錢罷在京免行錢羅提舉保申錢糧巡
 教等官嚴方由等皆從中出大臣不與○王珪卒蔡確韓縝為左右
 僕射章惇知樞密院司馬光門下侍郎光居洛十五年兒童走卒皆
 知司馬君實神宗升遐赴闕入臨衛士望見以手加額曰司馬相公
 也爭擁馬首呼曰公母歸洛留相天子活百姓所在數千人聚觀之
 光懼歸洛已而召為執政○河南程顥以是歲卒顥字伯淳弟頤字
 正叔兄弟皆從濂溪周惇頤受學惇頤字茂叔博學力行聞道早遇
 事剛果有古人風為政嚴恕務盡理以名節自矜雅有高超瞻前草
 不除曰與自家意思一般黃庭堅稱其人品甚高曾中灑落如光風
 霽月有太極圖通書行于世顥頤初從之者令尋仲尼顏子所樂何
 事學成各以斯文為己任顥嘗言一命以上苟存心於愛物於人必

有所濟熙寧中以新法不合去國神宗嘗使推擇人才所薦數千人
 以表叔張載弟頤為首其死也文彥博采衆論表其墓曰明道先生
 而弟頤為之序曰周公沒聖人之道不行孟子死聖人之學不傳道
 不行百世無善治學不傳千載無真儒無善治士猶明夫善治之
 道以淑諸人以傳諸後無真儒天下貧賈焉莫知所之人欲肆而天
 理滅矣先生生千四百年之後得不傳之學於遺經辨異端息邪
 說使聖人之道復明於世蓋自孟子之後一人而已頤嘗語人欲知
 吾之道者觀此序可矣張載字子厚初無所不學後聞二程之言乃
 盡棄其學而講焉有東銘西銘正蒙理窟等書行于世人謂之橫渠
 先生其城邵雍字堯夫居河南與二程友雍之學玩心高明觀天地
 變化陰陽消長以達萬物之變精於物數推無不中顥嘗在考試院

以其數推之出謂雍曰堯夫教只是加一倍法雍歎其聰明雍欲以
 數學傳二程二程不受邢恕欲受雍不許曰徒長姦雄雍有皇極經
 世書十二卷擊壤集歌傳于世人謂之康節先生嘗稱司馬光等皆
 深敬重之宋自歐陽修以古文倡天下文章雖大變而儒者義理之
 學至周程出然後大明雍淳願載皆歿於神宗之世至是穎又歿惟
 願在學者宗之為伊川先生○元祐元年蔡確罷確與章惇邢恕相
 交結恕往來傳送語言自謂有定策功言官王觀極言惇確及韓維
 張璪朋邪劉摯朱光庭獲輟累數十疏論劾確先黜以司馬光為左
 僕射時王安石已病其弟以耶吏狀示之安石曰司馬十二作相矣
 悵然久之議者或謂三年無改父道新法姑稍損其甚者足矣慨然
 爭之曰先帝之法善者雖百世不可變若安石惠卿等所建為天下

害非先帝本意者當如救焚拯溺猶恐不及况太皇太后以母改子
 非子改父衆議乃定或謂光曰章惇呂惠卿輩他日有以父子之議
 聞於上則朋黨之禍作矣光起立拱手勸聲曰天若祐宋必無此事
 安石每聞朝廷變其法夷然不以為意及聞罷助後復差役愕然失
 聲曰亦罷至此乎良久曰此法終不可罷安石與先帝議之二年乃
 行無不曲盡○章惇韓頌罷○王安石卒安石在金陵常獨語福建
 子恨惠卿也惠卿叛安石惟章惇終始不叛安石又常曰新法之行
 始終以為可行者曾子宣也始終以為不可者司馬君實也○呂公
 著右僕射文彥博軍國重事程頤崇政殿說書蘇軾翰林學士竄貶
 呂惠卿鄧綰等○司馬光為相八閱月而薨太皇太后哭之慟上亦
 感涕不已贈太師溫國公謚文正光在位遼人夏人使來必問光起

居而遠人。勅其邊吏曰：中國相司馬矣。切毋生事。開邊隙。及卒京師。民罷市。畫其像。印鬻之。畫上有致富者。及葬四方。來會者哭之。如哭其親戚。光嘗語晁無咎曰：吾無過人。但平生所為。未嘗不可對人言者耳。劉安世問光一言。可以終身行之者。光曰：其誠乎。安世問其所從入。曰：自不妄語入。○蘓軾程頤同在經筵。軾喜諧諛。而頤以禮法自持。軾每輒侮之。光之薨也。百官於有慶禮事。畢欲往弔。頤不可。曰：子於是日哭。則不歌。或曰：不言歌。則不哭。軾曰：此枉死市。叔孫通制此禮也。願怒二人。遂成隙。門人朱光庭賈易為言。官於政。軾傳堯俞王巖叟呂陶等相繼論列。堯俞巖叟存光庭陶右軾。是時元豐大臣退於散地。皆御怨入骨。陰伺間隙。諸賢不悟。方自分黨相攻。有洛黨川黨朔黨洛黨。以願為領袖。光庭易為羽翼。川黨以軾為領袖。陶等

為羽翼。朔黨以劉摯王巖叟劉安世為領袖。而羽翼尤眾。未幾願罷。不復召。久之軾亦罷。後再入。三入皆不久而出。○呂公著為司空。同平章軍國事。呂大防范純仁左右。僕射純仁仲淹子也。公著尋薨。○和漢陽軍吳處厚言。蔡確謫安州日。作夏中登車蓋亭詩。譏訕臺諫。論確不已。安置新州。呂大防劉摯范純仁王存等以為不宜令過嶺。置死地。純仁曰：此路荆棘八十年矣。奈何。問之吾曹。政恐不免耳。爭之不得。臺諫交章攻純仁。黨確純仁遂罷。劉摯為右僕射。大防摯欲引用元豐黨人。以平舊怨。謂之調停。蘓軾等力陳其不可。摯罷。蘓頤為右僕射。頤罷。純仁又代之。○元祐八年九月。宣仁聖烈太皇太后崩。臨崩對上。謂大防純仁等曰：老身沒後。必多有調戲官家者。宜勿聽之。公等亦宜早退。令官家別用一番人。呼左右問曾賜出社飯否。

因田公等各去喫一匙社飯明年社飯時思量老身也后聽政九年
 天下稱為女中堯舜不比外家以擁佑嗣君之故二子一女皆踈以
 至公御天下當世賢者畢集于朝君子之盛後世以慶曆元祐並稱
 焉承神宗厭兵之後與民休息西蕃鬼章為邊將擒獻釋不誅以招
 其部屬夏國自其主秉常卒乾順立政亂主幼屢寇邊失藩臣禮皆
 強臣為之以其君民非有罪不忍興師討伐詔諸路嚴兵自備而已
 ○上始親政侍郎楊畏首救呂大防自謂迹雖元祐心在熙豐入對
 乞召章惇明年改元紹聖大防罷惇為右僕射純仁罷惇之來也道
 遇陳瓘惇素聞其名獨請共載訪以世務瓘曰請以所乘舟為喻備
 重其可行乎或左或右其偏一也惇默然良久曰司馬光姦邪所當
 先辨瓘曰相公誤矣此猶欲平舟勢而移左以置右也果然將失天

卷之七

下之望惇既至以漸盡復熙豐之法治元祐人之罪無虛日司馬光
 呂公著王巖叟趙瞻韓維孫固范百祿胡宗愈司馬康等已死者皆
 追貶奪贈呂大防劉摯蘇轍梁燾范純仁劉奉世韓維王觀韓川孫
 升呂陶范純禮趙君錫馬默顧臨范純粹孔武仲王欽臣呂希哲呂
 希純呂希績姚勳吳安詩王份張耒龜補之黃庭堅賈易程頤秦觀朱
 光庭孫覺趙高李之純杜純李周蘇軾范祖禹劉安世鄭俠等皆連貶
 竄文彥博久致仕降為太子太保嚴節鉞尋豐皇后孟氏大皇太后所
 選聘也在中宮五年而廢章惇蔡卞請追廢太皇太后賴太皇太后所
 太妃朱氏泣諫上悟惇卞堅請施行上怒曰卿等不欲朕入萊宗廟
 庭乎抵其奏於地○立賢妃劉氏為后右止言鄒浩乞追停冊禮別
 選名族詔誥除名勒停羈管新州浩道過其友田畫臨別出涕畫正

色曰使君隱默官京師遇寒疾不汗五日死矣豈獨嶺海之外能死
久哉願無自沮士所當為者未止此也○元符三年上崩在位十五
年改元者三壽三十五皇弟立是為徽宗皇帝

徽宗皇帝召佶神宗第十一子也初封端王哲宗崩欽聖憲肅皇太子
后向氏召宰執議立嗣后欲立端王章惇曰端王浪子耳曾布身長
望見端王已在簾下叱曰章惇聽太后處分王出簾惇惶恐失措王
即位請太后權同處分軍國事范純仁等二十餘人並收敘龔夫陳
瑾那浩為臺諫○韓忠彥為右僕射忠彥孫子也○文彥博司馬光
等三十三人追復官○太后垂簾半年而還政○章惇罷尋竄○韓
忠彥曾布左右僕射○貶邢恕○貶蔡京蔡卞安石婿也先是臺
諫龔夫陳瑾任伯雨等攻下罷其執政京為翰林承旨瑾見其視日

不詳謂此人必大貴然以其區區精神敢抗太陽他日得志必為天
下患瑾語久曰射人先射馬擒賊先擒王連疏攻之其力京罷尋又
以御史陳次升等言與卞俱貶○上意專欲紹述熙豐之政而曾布
微有兩存熙豐元祐之意故建中靖國初嘗畧變章惇蔡卞所為既
而布遊上旨正人任伯雨汪公望陳瑾等不容於朝小人雖各有黨
更迭出入意向則同祖安石而已○遼主弘基殂號道宗孫延禧立
號天祚○女真阿骨打立女真本名朱里真肅慎之遺種而渤海之
別族也或曰本姓挾辰韓之後三國志深謂挾婁元魏所謂勿吉唐
所謂黑水靺鞨者其地也有七十二部落不相統自太中祥符以
後絕不與中國通有生女真者其類猶繁其酋曰巖晟有孫曰楊哥
太師遂雄諸部或曰楊割之先新羅人完顏氏女真妻之以女生子

二人長曰胡來傳三人而至揚言其子也為人沉毅有大志
 ○建中靖國一年而改崇寧韓忠彥罷再追奪司馬光等官籍元祐黨
 人○曾布罷蔡京為相蔡卞執政再貶竄元祐人立姦黨碑京自崇
 寧為僕射歷大觀政和重和為太師嘗暫罷輒復入雖罷之日實執
 國命其間趙挺之張商英作相嘗與京異然在位各不過數月或一
 年而罷如何執中鄭居中劉正夫余深雖在相位或久或淺居中亦
 與京異常相排正夫亦小異然於京之權寵無損也京子攸之婦出
 入宮禁攸遂大用至父子權勢自相軋上寵攸而尊京子弟親戚滿
 朝皆其父子之黨京倡邪說以為當豐亨豫大之運專以奢侈勸上
 窮極土木之功廣京城修大內盛築內苑鑄九鼎鼎成以九州水土
 納鼎中及奉安北方寶鼎忽水漏于外作木屐樂作玉清神霄宮崇

信道士林靈素策上為教主道君皇帝作延福宮作保和殿作萬歲
 山以朱劬頌花石綱奇花異木怪石珍禽奇獸無遠不致民間一花
 一木之妙輒令上供有一花費數千緡一石費數萬緡者二十年間
 山林高深麋鹿成群改名良嶽又為村居野店酒肆青帘於其間每
 歲冬至後即放燈縱令飲博謂之先賞元宵○時星芒屢見地震河
 決怪異迭出率以為常京等誣奏甘露降祥雲現飛鶴蔽空竹生紫
 花芝草產于良嶽及諸州連理木雙花芙蓉芍藥牡丹至指臘月雷
 三月雪皆稱瑞表賀○內侍童貫梁師成用事師成專務應奉以盡
 上心勢焰熏灼竊威福於中童貫專務閑邊生事於外皆與蔡京父
 子相表裏○女真阿骨打以重和元年戊戌稱帝初遼主天祚刑賞
 僭濫荒於禽色歲索名鷹海東青於女真女真與其隣東北五國戰

關乃能獲此禽以獻不勝其擾阿骨打遂叛攻陷混同江東之寧江
 州遼遣將討之而敗又起中京上京長春西遼四路兵並進獨涑流
 河一路深入大敗三路皆退女真悉虜遼東界熟女真鐵騎益衆天
 祚親征復大敗女真乘勝并渤海遼陽五十四州又度遼西降五州
 阿骨打遂建號改名旻國號大金明年破遼上京○高麗來求暨上
 遣二暨往還奏實非求暨乃彼知中國將與女真圖契丹謂苟存契
 丹猶足為中國捍邊女真狼虎不可交宜早為之備上聞之不樂○
 上嘗微行都市酒肆妓館正字曹輔上言編管郴州○童貫自崇寧
 間與王韶之子領兵復湟州任責措置遼事已而復鄯州廓州貫遂
 建節為宣撫既得志於西邊遂謂北邊亦可圖政和初乃自請奉使
 胡遼國有燕人馬植者陳滅燕之策貫挾以歸更姓名趙良嗣復燕

之儀遂起政和末有漢人泛海來具言女真攻遼事重和春乃用蔡
 京童貫議遣馬政由海道至阿骨打所居阿芝川涑流河與議共攻
 遼阿骨打遂遣使來宣和初至京詔京貫諭以夾攻取燕之意差軍
 校呼慶送其使由海道歸國是歲王黼為相力贊攻遼之策及呼慶
 復與金使來時阿骨打在上京遂遣良嗣往約金國取遼中京本朝
 取燕京歲幣如與遼之數良嗣曰燕京一帶則併西京是也金主亦
 許之以札付良嗣期以女真兵自平地松林趨古北南兵自白溝夾
 攻良嗣歸馬政復與子擴持國書往訂彼此兵不得過關未幾金使
 復來又以國書就付其使歸國時淮南京西河北江南相繼盜起山
 東宋汴方就招安睦寇方臘連陷浙郡中都為震童貫甫平方臘而
 北事作矣金人悉師度遼趨中原攻陷之中京者故吳國也遂引兵

至松亭關以與宋有各不過關之約止引兵由其西而過遼主先已
 引避或言金前鋒將至遼主震驚亟奔雲中入夾山時燕主淳守燕
 蕭幹立淳為主宋童貫蔡攸帥師東路至白溝西路至范村蕭幹迎
 戰甚力宋師敗退耶律淳死宋師再舉遼涿州將郭藥師領常勝軍
 來降宋兵五十萬進駐蘆溝河蕭幹拒之藥師間道襲燕幹還救死
 鬪藥師屢敗僅以身免遁還蘆溝之師遂潰貫攸懼無功獲罪時金
 主在奉聖州乃遣客禱金主圖之金主分三道進兵遂入居庸關燕
 降於金金使來言燕京以金兵攻下其地與宋租稅當以輸金宋使
 趙良嗣往議之許歲幣如契丹舊數外更以百萬代租稅而併求雲
 中之地金人僅以燕京涿易檀順景薊六州來歸貫攸入燕燕之金
 帛子女職官民戶金人席卷而東所得空城而已貫攸歸以王安中

知燕山府詹度郭藥師同知○有星如月徐徐南行而落光照人物
 與月無異○修神保觀其神都人素畏之傾城男女負土以獻名曰
 獻土又有飾作鬼使催納土者上亦微服觀之後數日旨禁○京師
 河東陝西地震宮中殿門搖動且有聲蘭州草木沒入山下麥苗乃
 在山上○金國無城郭宮室用契丹舊禮如結絲山作倡樂鬪鷄擊
 鞠之戲與中國同但於衆樂後飾女數人兩手持鏡類電母其國
 茫然皆茨舍以居至是方營大屋數千間畫做中國所為○兩京河
 浙路災異疊見都城有賣青菓男子孕而誕子又有豐樂樓酒保朱
 氏其妻年四十忽生鬚髯長六七十寸宛一男子詔度為女道士○河
 北山東盜起連歲凶荒民食榆皮野菜不給至相食饑民並起為盜
 有張仙者衆十萬張勉衆五萬高山衆三十萬自餘二三萬者不

可勝計。○金主稱帝六年而殂。號太祖大聖武元皇帝。弟吳乞買立。改名晟。燕山之地。易州西北。乃金坡。關昌平之西。乃居庸。關順州之北。乃古北。關景州之北。乃松亭。關平州之東。乃險。關險關之東。乃金人來路。凡此數關。天限蕃漢。得之則燕境可保。然關內之地。平灤營三州。自後唐為契丹阿保機所陷。以營灤隸平。為平州路。得燕而不得平州。則關內之地。蕃漢雜處。而燕為難保矣。遼張毅守平州。金已遣人招毅。毅曰。契丹凡八路。今特平州存耳。敢有異志。既而乃以平州南附宋。還納之。趙良嗣力爭。以為必招金兵。金人謀知。即襲平州。陷之。得宋詔。札自是歸。曲累檄取毅。不得已。命王安中。益之。而函送其首。未幾。金太子幹離不。已由平州路將入燕矣。宋方且遣人密誘天祚來降。以童貫宣撫兩河。燕山路將迎天祚。金人方退。天祚入陰

夾山。不可得。至是。領眾南出。遂為金人所敗。就禽契丹。自阿保機。至天祚九世而亡。時宣和七年。乙巳歲也。是冬。金幹離不粘罕分道而南。幹離不陷燕山。郭藥師降之。金兵長驅而進。郭藥師為前驅。童貫自太原逃歸。粘罕圍太原。太原帥張孝純歎曰。平時童太師作多少。咸重乃畏怯如此。身為大臣。不能死難。何面目見天下士。孝純以冀景守。聞知。朔寧府孫翊來救。兵不滿二千。與金人戰于城下。張孝純曰。賊已在近。不敢開門。觀察可盡忠報國。翊曰。但恨兵少耳。乃復引戰。金人大沮。再益兵力。不能敵。翊死焉。無一騎肯降。時王黼先一年已罷。而自時中李邦彥並相。皆鄙夫也。金兵來時。中但建出奔之策而已。上內禪在位二十六年。改元者六。曰建中靖國。曰崇寧。大觀。政和。重和。宣和。太子立。是為欽宗皇帝。

欽宗皇帝名桓在東宮無失德蔡京童貫輩成憚之欲動搖不可至是即位大學生陳東等伏闕上書乞誅蔡京童貫王黼梁師成李彥朱勛六賊以謝天下彥以根括民田破蕩百姓結怨於河北京東西三路者也勛以花石綱所在騷動結怨於東南者也靖康元年首竄輔酌彥尋皆殺之○有狐升御榻而坐者詔毀狐王廟○上皇奔應天府○以李綱為行營使定城守策○除元祐黨籍追贈范仲淹司馬光等官○白時中罷李邦彥張邦昌為相○春正月韓離不抵京師先是朝廷遣李鄴求和韓離不携鄴以攻京城不克乃遣王洵與鄴偕來邦彥等皆主和惟綱欲戰上是邦彥之計遣鄴望之出使未至而遇王洵與俱入見又遣李稅出使稅又與金使偕來金人需犒金五百萬兩銀五十萬兩牛馬萬頭表段百萬匹割中山河間太原三鎮地二十餘郡且欲宰相親王為質遣張邦昌副康王如其營金國太子與康王同射連發三矢皆中箭金人謂是將家子非親王遣歸更請肅王為質種師道等諸路勤王兵至師道奏京城周回八十里城高數十丈粟支數年宜與城內劄寨拒守俟困擊之綱亦奏金以孤軍深入如虎投檻不可與角一旦之力縱歸擊之必勝之計上然之而李邦彥吳敏等專主和議論不一致虜有待汝議論定時我已渡河之譏味幾統制官姚平仲宵攻金營不克上大驚懼廢行營罷李綱以謝金人太學生陳東及都人數萬伏闕乞復用綱得旨復右丞充守禦使衆乃散金使復來乃以割三鎮詔書遣使持往時括在京金僅得二十餘萬兩銀四百餘萬兩藏蓄已空金人圍京城凡三十三日得割地詔不俟金幣數足而退種師道請臨河要擊之

原三鎮地二十餘郡且欲宰相親王為質遣張邦昌副康王如其營金國太子與康王同射連發三矢皆中箭金人謂是將家子非親王遣歸更請肅王為質種師道等諸路勤王兵至師道奏京城周回八十里城高數十丈粟支數年宜與城內劄寨拒守俟困擊之綱亦奏金以孤軍深入如虎投檻不可與角一旦之力縱歸擊之必勝之計上然之而李邦彥吳敏等專主和議論不一致虜有待汝議論定時我已渡河之譏味幾統制官姚平仲宵攻金營不克上大驚懼廢行營罷李綱以謝金人太學生陳東及都人數萬伏闕乞復用綱得旨復右丞充守禦使衆乃散金使復來乃以割三鎮詔書遣使持往時括在京金僅得二十餘萬兩銀四百餘萬兩藏蓄已空金人圍京城凡三十三日得割地詔不俟金幣數足而退種師道請臨河要擊之

網亦以為彼兵不萬而我勤王之師二十其半渡而擊之必
 勝邦彥等不從惟詔三鎮仍堅守不割○京師受圍時梁師成已誅
 至是竄蔡京於儋州至潭而死年八十蔡攸竄萬安軍尋有詔即所
 在斬之童貫亦速竄追斬於南雄○李邦彥罷張邦昌吳敏並相邦
 昌罷徐處仁相處仁敏罷唐恪相恪罷何臬相○上皇歸京師數月
 金兵復至翰離不由東路陷真定長驅先抵京師粘罕由西路陷隆
 德太原府汾澤州平定軍平陽府河南府河陽府鄭州懷州抵京師
 張叔夜等統兵赴開唐恪耿南仲專主和議曰今百姓困匱養數十
 萬於城下何以給之乃止各道兵勿得動京師自十一月受圍凡四
 十日有卒報京者言能用六甲法生擒粘罕翰離不盡令守禦人下
 城獨坐城樓上以親兵數百自衛俄頃金人鼓譟而進京師日須

自下城作法因引餘兵南進虜兵登城者纔四人衆皆披靡大潰上
 聞城陷慟哭曰朕不用种師道言以至於此此時師道前一月卒矣護
 駕人猶有萬餘馬亦數千張叔夜連戰四日斬其貴將一人欲護駕
 突圍而出上惑於和議不定士卒號哭而散虜使劉晏請上出城都
 民爭入鬻而食之何臬欲率都民巷戰聞者爭奮金人由是斂兵不
 下推以割地責金幣和議為辭以誤戰守之計侍郎耿南仲力主議
 和上以為然遂墮其計二元帥請與上皇相見上曰上皇驚憂已病
 朕當自往遂如青城見之二宿而返明年春復請上出郊續逼出上
 皇張叔夜諫曰今上一出不歸陛下不可再往臣當率勵精兵護駕
 以出縱虜騎追至臣決死戰或可億倖若天不祚死於封疆不猶生
 陷夷狄乎上皇欲飲藥為范瓊所奪逼上皇出宮皇后太子親王帝

姬皇族前後三千餘人悉赴軍前城中子女金帛寶玩車服器用圖書百物括索公私上下俱空然後宣金主詔書選立果姓遂冊前太宰張邦昌為楚帝以宋二帝北歸金人在汴凡七閱月而去始至張叔夜嘗力戰餘皆主和以至吳玠莫儔王時雍徐秉哲范瓊等往來逼逐上皇以下出郊議舉果姓方上在青城通易御服時惟李若水抱持大呼奮罵金人刀裂其頤斷其舌而後梟之相謂曰大遼破死義者十數今南朝惟李侍郎一人然一時憤死者甚衆金人不知也吳韋結衆欲劫還二帝為范瓊誘殺何臬孫傳張叔夜秦檜司馬朴皆爭論乞存立趙氏金人驅之從上北行叔夜不食粟惟飲湯過界河死臬至燕亦不食死當京城危急時四方勤王之師至者皆詔止不進恐妨和議訖金人之退未嘗交兵上在位不二年國破改元曰

卷之七

靖康弟康王立于南京是為高宗皇帝

南宋

高宗皇帝名構徽宗第九子也母章氏徽宗夢吳越武肅錢王入室已而生構封康王靖康初嘗出使幹離不軍是冬幹離不再來奉詔再出使取南仲偕行至相州民遮道請無往至磁州守臣宗澤止之相州守以蠟書言金人方遣騎物色康王所在乃回相州與南仲揭榜召兵勤王有詔以康王為大元帥汪伯彥宗澤為副領兵入衛王從伯彥議出北門渡河至大名聞京師陷澤請進兵向京城伯彥請王移兵東平措身安地南仲亦以為然遂東去知河間府黃潛善亦領兵至進屯濟州探報二帝北行張邦昌為金所立國號楚是日風霾日有薄暈百官慘怛邦昌亦有憂色惟王時雍范瓊等欣然若有

所得邦昌在位三十三日御馬紳貽書邦昌請速行改正易服歸
 省遂迎元祐孟太后聽政太后迎立康王詔告中外有曰漢家之厄
 十世宜光武之中興獻公之子九人惟重耳之尚在遣使奉表及以
 孟后詔來邦昌繼至伏地匍匐請死使臣自河北竄來進道君手札
 曰便可即真來救父母王慟哭拜受遂趨應天府即位改元建炎以
 主和誤國罷竄取南仲召李綱為相以宗澤知開封為留守綱至邊
 防軍政畧有緒而潛善伯彥復主和亟遣祈請使矣綱相數十日而
 罷潛善伯彥為相首誅上書人陳東歐陽澈決策幸東南無復經制
 兩河之意是冬車駕遂至揚州金人分三道南來二年春金人至汴
 為宗澤所敗澤招撫群盜募四方義士合百餘萬糧支半歲表疏連
 數十請上還汴潛善忌其成功從中沮之憂憤疽發背而沒臨終無

一語及家事但連呼過河者三都人為之號慟聞者皆相吊出涕三
 年春金人將至揚州上得報亟出二相方會食堂吏呼曰駕行矣乃
 戎服南走回望揚州烟焰已漲天矣呂頤浩張浚追及上於瓜洲得
 小舟以渡至鎮江遂如杭州罷潛善伯彥以朱勝非為相御營將苗
 傅劉正彥作亂請上禪位於皇子專未三歲孟太后聽政呂頤浩張
 浚帥師勤王韓世忠為前軍張浚翼之劉光益游擊為殿勝非說二
 兇亟反正尊孟后為隆祐皇太后勝非罷呂頤浩為相二兇走世忠
 追之皆伏誅上如建康以浚為川陝宣撫處置使隆祐太后如南昌
 聞兀朮請於粘罕將犯江浙故也杜充為右僕射守建康上如杭州
 升杭為臨安府自臨安如浙東金人分兩道一軍自蘄黃渡江劉光
 世在汀州以為蘄黃小盜遣王德拒之於興國軍始知為金人金人

自大治。趙洪撫建昌臨江吉州。追隆祐太后不及。遂陷袁潭。荆南澧州乃自石首北渡而去。一軍自滁和向江東馬家渡。濟江陷建康。杜充及守臣皆降於元。木通判楊邦入不從。刺血書裾曰：寧為趙氏鬼，不作他邦臣。眾擁見元。木誘諭累日，輒叱罵。卒大罵見殺。元木長驅陷杭州。上去已七日。元木進陷越州。四年春，陷明州。時上已次台州。章安鎮金人以船犯昌國縣，欲追襲上舟。提領海舟張公祐引大船擊散之。乃退回兵陷秀平江常州。至鎮江，韓世忠邀之。以海舟與戰，數十合，多俘獲。伏卒金山龍王廟，幾獲元木。相持於黃天蕩。元木求假道甚恭，不許。欲自建康北歸，不得去。或教於冶城西南隅蘆場地，鑿大渠一夕成。次早出舟，趨建康。世忠大驚，尾擊之。一日值無風，海舟不能動。元木乃引其舟出江北去。疾如飛，以火箭射海舟。世忠軍

亂奔還。元木乃得北遁。統制岳飛邀擊敗之於六合。初，張浚西行，上命浚三年而後用師。及是，撻辣元木皆在淮東。浚聞元木躊躇必再犯東南，議出師攻取以分其勢。士大夫及諸將皆以為不可。浚決策移檄粘罕，問罪遣吳玠入長安。金人遂調元木自京西星馳赴陝西。與婁室合。浚合六路兵至富平。婁室擁兵驟至，鐵騎直擊環慶路。趙哲軍他路不援。哲離所部，諸軍退。金遂乘勝而前，浚斬趙哲。諸路兵皆散去。陝西大震。浚駐軍興州，遣劉子羽訪諸將所在，各引所部來會。人心粗安。吳玠走保大散關。東和尚原。○上自海道回駐越州。呂頤浩罷。范宗尹為相，秦檜南歸。赴行在。檜在北，依撻辣為所任用。撻辣南侵，檜參謀其軍。嘗為草檄下山東州郡，挈全家泛小舟抵漣水。軍自言逃歸，朝士多疑之。檜言如欲天下無事，須是南自南北自北。

乞上致書撻辣以求好其言皆撻辣意也○是歲劉豫稱帝豫景州人於建炎戊申以濟南守降金為之用得知東平府兼節制河南粘罕白金主循邦昌故事立豫國號大齊後遷都于汴粘罕既得關中地悉割以與豫○紹興元年命張浚討江淮盜李成成據江淮六州連兵數萬有席卷東南之意尋陷江筠臨江俊擊其軍復三郡成適降齊○張浚盡失陝西之地惟餘階成岷鳳洮五郡及鳳翔府之和尚原隴州之方山原而已俊退保閬州統制曲端有威名俊先用諸羅其兵柄安置萬州西人倚端為重及貶軍情不悅至是又送恭州獄殺之士大夫軍民皆悵恨西人益以是非浚金人分兩道向蜀吳玠與弟璘大敗之於和尚原又選將敗之於箭筈關兩道皆不能入○范宗尹罷秦檜昌言曰我有二策可以聳動天下遂為右相呂頤浩為左相○兀朮會諸道及女真兵造浮梁於寶雞縣渡渭攻和尚原玠璘三日三十餘戰大破之兀朮中流矢僅以身免始自河東歸燕山○紹興二年上自越州還臨安言者劾秦檜專主和議沮止恢復遠圖檜罷朱勝非為右相○紹興三年春金撒離曷自鳳翔長安聲言東去實由商於出漢陰直趨金商吳玠急引兵扼之饒風嶺金人間道遶出其後玠遷還仙人關金人遂進陷興元知府劉子羽退保三泉縣潭毒山撒離曷食盡乃引還吳玠以無糧拔寨棄和尚原金人得之玠度其必深入乃嚴兵以待兀朮果與撒離曷來犯仙人關玠璘與戰七日金人不能支宵遁玠設伏扼其歸路又敗之是舉也金人決意入蜀卒不得志是歲浚又失洮岷關外惟存階成秦鳳浚召還尋與劉子羽皆貶竄浚是行本欲由關陝取中原乃盡喪

鳳浚召還尋與劉子羽皆貶竄浚是行本欲由關陝取中原乃盡喪

關陝而歸。賴得玠璘保蜀而已。○齊遣李成攻陷鄧襄隨鄧唐州信陽軍等岳飛復隨鄧成棄襄陽而遁。○呂頤浩朱勝非相繼罷趙鼎為右相。○齊以金兵分道南侵。上詔親征。出如平江。以張浚知樞密院。先是浚極言。北方既無西顧憂。必併力窺東南。上思其言。遂召之。浚至。請遣岳飛渡江入淮西。以牽制北兵。之在淮東者。從之上。命浚視師江上。將士見浚來。勇氣皆倍。時韓世忠駐揚州。先已大敗金兵於大儀鎮。擒其將撻也。解元成。閱與戰于承州。十三捷。仇念孫暉敗之於壽春。安豐王德敗之於滁州。岳飛遣牛皋等攻之於廬州。撻辣兀朮知為世忠所扼。江不可渡。引還。齊劉麟劉視棄輜重遁去。○紹興五年。上自平江還臨安。趙鼎張浚為左右相。浚兼都督諸路軍馬。尋復命浚視師江上。浚至鎮江。召韓世忠使舉兵移屯楚州。浚至建

康撫張浚軍至太平州。撫劉光世軍。無不踴躍思奮。以岳飛為河北京西招討使。○先是建炎庚戌。中有武陵人鍾相起於鼎州。僭號楚鼎。澧潭辰岳之境。皆盜區。相敗就擒。其徒有楊么者。據洞庭。遂為劇寇。官軍陸襲之。則入湖水。攻之。則登岸。曰。有能害我。除是飛來。浚謂上流不先去。么為腹心害。將無以立國。請自行浚至湖南。會岳飛兵至。急攻其水寨。么窮蹙。赴水死。遂平。浚自湖南轉由兩淮。會諸將議防秋。乃入見。○金主晟殂。謚文烈。初。晟與晟約。兄終弟立。而後復歸。晟之子。故晟捨己子宗盤而立。是長孫曷囉馬為諸版。極烈儲副位也。曷囉馬名曷。至是。遂即位。宗盤與晟之別子及粘罕。皆爭立。而不得粘罕時。已失兵柄。與悟室並相粘罕。絕食。縱飲而死。蒙國叛。金蒙在女真之北。在唐為蒙兀部。亦號蒙骨斯。○紹興六年。張浚復出

關陝而歸。賴得玠璘保蜀而已。○齊遣李成攻陷鄧襄隨鄧唐州信陽軍等岳飛復隨鄧成棄襄陽而遁。○呂頤浩朱勝非相繼罷趙鼎為右相。○齊以金兵分道南侵。上詔親征。出如平江。以張浚知樞密院。先是浚極言。北方既無西顧憂。必併力窺東南。上思其言。遂召之。浚至。請遣岳飛渡江入淮西。以牽制北兵。之在淮東者。從之上。命浚視師江上。將士見浚來。勇氣皆倍。時韓世忠駐揚州。先已大敗金兵於大儀鎮。擒其將權也。解元成。與戰于承州。十三捷。仇愈孫暉敗之於壽春。安豐王德敗之於滁州。岳飛遣牛皋等攻之於廬州。撻辣兀末知為世忠所扼。江不可渡。引還齊。劉麟劉猷棄輜重遁去。○紹興五年。上自平江還。臨安趙鼎張浚為左右相。浚兼都督諸路軍馬。尋復命浚視師江上。浚至鎮江。召韓世忠使舉兵移屯楚州。浚至建

康撫張浚軍至太平州。撫劉光世軍。無不踴躍思奮。以岳飛為河北京西招討使。○先是建炎庚戌。中有武陵人鍾相。起於鼎州。僭號楚鼎。澧潭辰岳之境。皆盜區。相敗就擒。其徒有楊么者。據洞庭。遂為劇寇。官軍陸襲之。則入湖水。攻之。則登岸。曰有能害我。除是飛來。浚謂上流不先去。么為腹心害。將無以立國。請自行浚至湖南。會岳飛兵至。急攻其水寨。么窮蹙。赴水死。遂平浚自湖南轉由兩淮。會諸將議防秋。乃入見。○金主晟殂。謚文烈。初是與晟約。兄終弟立。而後復歸。是之子故晟捨已子宗盤而立。是長孫曷囉馬為諸版。極烈儲副位也。曷囉馬名曷。至是遂即位。宗盤與是之別子及粘罕皆爭立。而不得粘罕時已失兵柄。與悟室並相粘罕。絕食。縱飲而死。蒙國叛。金蒙在女真之北。在唐為蒙兀部。亦號蒙骨斯。○紹興六年。張浚復出

視師上自臨安如平江齊人分道入寇初劉豫因粘罕得立知奉粘罕而已蔑視他帥及是請兵於金宗盤沮之聽豫自行而遣兀朮提兵黎陽以觀釁劉光世時駐廬州以為難守張浚駐泗州亦請益兵衆情洶懼張浚以書戒浚及光世有進擊無退保趙鼎等請上親書付浚欲退師還南保江浚力爭以為可保必勝一退則大事去矣光世已舍廬州而退浚即星馳至采石遣人喻其衆若有一人渡江即斬以徇仍督光世復還廬州光世不得已乃駐兵遣王德鄰瓊三敗齊兵於霍丘正陽及前羊市時劉猷至淮東阻韓世忠兵不敢進乃從淮西渡浚遣張俊統制官楊沂中至濠州與俊合兵沂中敗猷前鋒猷引兵欲會劉麟于合肥而後進沂中與遇於藕塘合戰猷大敗麟聞猷敗望風潰去光世乘勝追襲亦捷北方大恐上曰克敵之功

皆出右相趙鼎遂罷○上皇以五年四月殂至七年春凶問始至壽五十四二帝自建炎初由燕山如中京古奚國曹郡也在燕山北千里次年又自中京移韓州在中京東北千五百里後二年又自韓州移五國城在金國所都東北千里上皇終焉○岳飛為湖北京西宣撫使時淮東宣撫使韓世忠江東宣撫使張俊皆久已立功而飛以列將拔起世忠俊不平飛屈已下之二人皆不答及飛破楊公俊益忌之於是嫌隙日深上自如平江如建康飛因扈駕以行入見疏論恢復秦檜時為樞密副使主和議忌飛成功沮之飛以內艱去上力起之劉光世以言者論其退師幾誤事罷兵柄張浚以王德統其軍德與鄜瓊等夷不相下大謀詣督府訴德浚乃召德還為督府都統制而以呂祉為督府參謀領其軍祉簡倨不通將士之情聞瓊等反

側密乞罷之瓊叛執社以所部數萬降齊張浚遂以言罷浚之用德與社岳飛嘗言其不可浚不聽故敗趙鼎復相○金人以劉豫不能立國廢之齊立八歲而亡○紹興八年上自建康還臨安秦檜復相趙鼎罷詔議講和自建炎以來無歲不遣使直願去尊號奉其正朔比於藩臣金人不從使者往多拘囚後數南侵不利知江南不可圖然後遣檜為間至豫廢和議乃決金使張通古來編修官胡銓上疏以為陛下下一屈膝則祖宗廟社之靈盡汚夷狄祖宗之赤子盡為左袵朝廷宰執皆為陪臣異時豺狼無厭安知不加以無禮如劉豫夫三尺童子無知指犬豕而使拜則佛然怒堂堂天朝相率而拜犬豕曾無童稚之羞邪奉使王倫誘致北使以招諭江南為名欲臣妾我執政孫近附會秦檜臣義不與檜等共戴天乞斬倫檜近三人頭

竿之藁街然後羈其使責無禮與問罪之師三軍之士不戰而氣自倍不然臣有蹈東海而死耳寧能處小朝廷求活邪書上連貶竄○紹興九年金人先以陝西河南地歸宋朝廷遣官謁陵寢交地界除汴京留守○青澗城李世輔來歸世輔之先累世為蕃族都巡檢使父子雖嘗仕齊每相泣恨不得歸宋齊用世輔知同州嘗得間生擒撒離曷欲歸朝金兵來追縱之而奔西夏其父母及二子一孫皆被戮至是乞兵於夏以復既出則知陝西已還宋乃部復兵而來上慰勞加賜賚賜名顯忠○金國有謀反者事連宗盤等皆坐誅左副元帥撻辣實揚割長子金主亶之大父行也自粘罕死宗戚大臣皆懼撻辣與悟室尋亦以謀叛先後誅金與宋和實撻辣主之撻辣既死於是右副元帥兀朮為左相乃密奏於其主以宋未議歲貢正朔誓

表冊命而撻辣擅許割地遂渝盟○紹興十年金兵分四道南侵劉
 錡大破兀朮於順昌府檜急啓上召錡還岳飛敗之於郟城幾擒兀
 朮飛至朱仙鎮檜急啓上召飛還韓世忠敗金人於淮陽之加口兀
 朮還汴檢兩河軍與蕃部以謀再舉○十一年兀朮陷廬州侵和州
 劉錡楊沂中敗之於橐皋檜又啓上亟班師沂中自瓜州渡返行在
 張俊自宣化歸建康劉錡自采石歸太平州罷宣撫司以其兵隸御
 前遇出師時臨時取旨以韓世忠張俊為樞密使岳飛副使飛世忠
 尋罷兀朮以書抵檜曰爾朝夕以和請而岳飛方為河北圖必殺飛
 乃可張俊又構成飛罪逮赴獄檜奏誅飛及張憲岳雲和議遂諧歸
 韋太后及徽宗梓宮於宋金人不惟盡悔所許陝西河北地仍割唐
 鄧等州入金盡淮中流為界西割商秦之半棄和尚方山原時宣撫

使吳玠卒四年矣胡世將代之力以和尚原等地為不可棄兀朮必
 欲之遂以大散關為界于時金國屢有內叛宗戚大臣相繼誅夷且
 北有蒙兀自號大蒙稱帝改元連歲用兵卒不能討而與之和南侵
 又不得逞而宋之猛將精兵方日盛恢復實不難沮於秦檜有志之
 士扼腕歎息兀朮且死曰南朝軍勢強甚宜益加和好俟數十年南
 軍衰老然後圖之張浚趙鼎皆遠竄鼎卒於海外當時異議之人貶
 竄殆盡無復敢言兵者○紹興十九年金主亶為其下所弑共立丞
 相岐王亮昊之孫也○紹興二十年金主亮以上京僻在一隅城燕
 京徙居之改燕京析津府為大興府號中都以中京會寧府為北京
 汴京開封府為南京而舊遼陽府為東京大同府為西京如故分蕃
 漢地為十四路置總管府○二十五年秦檜卒檜秉政十八年臨終

猶起大獄欲殺異己者張浚李光胡寅等五十三人幸檜病已不能書得免沉該乃俟高湯思退陳康伯朱倬相繼為相○三十一年欽宗凶問至以去年冬殂於五國城年六十○金主亮修汴京蓋經營南侵幾年矣嘗因使來密藏畫工圖繪臨安山水城市宮室以歸題詩其上有立馬吳山第一峰之句是秋徙居汴遂渝盟舉兵其母諫殺之以威衆兵號百萬陷淮西諸郡江淮浙西制置使劉錡遣王權迎敵權逗留已而退還奔采石報至中外大震有浮海避狄之議陳康伯不可命葉義問視師中書舍人虞允文參謀軍車金人陷揚州趨瓜州劉錡遣將敗之於阜甯林有詔令錡還軍專防江上金主欲由采石渡朝廷以李顯忠代權而未至金人舟來虞允文亟督水軍海鯤船迎擊死鬪金人不能濟時亮聞有內變又聞舟師由海道來

者已為李寶所焚而荆鄂諸軍方自上流而下忿甚乃回揚州召諸將約三日必濟過期盡殺諸將遂弒亮方亮之引而南也渤海一軍叛去已擁立葛王褒于遼陽聞亮死遂入譙京追謚直為閔宗廢亮為海陵王謚曰煬褒晟之孫也後改名雍先是數年張浚嘗言金必渝盟時相湯思退等大駭以為狂至是浚起判建康上自臨安如建康浚迎謁衛士見其復用以卒加額○三十一年上還臨安金使來遣使報之復尋和議夏六月上內禪退居德壽宮在位三十六年改元者二曰建炎紹興皇太子立是為孝宗皇帝

孝宗皇帝初名伯琮宗室追封秀王謚安僖子偁之子太祖七世孫也母張氏夢崔府君擁一羊來曰以此為識高宗為康王出使至磁州磁人夢崔府君出迎張氏以是歲丁未生伯琮於秀州有嘉禾之

瑞小名羊高宗喪太子粵命選太祖之後得伯琮鞠宮中賜名瑗適
與崔府君名同封晉安郡王秦檜疾其英明而不能害也竟立為皇
子賜名瑋封楚王紹興末賜名昉立為皇太子尋詔即位尊奉上皇
帝為光堯壽聖皇帝皇后吳氏為壽聖太上皇后○以史浩為右相
張浚樞密使督師江淮遂北伐浩不與其議力丐罷李顯忠出濠州
趨靈壁敗金兵邵宏淵出泗州圍虹縣降金將進克宿州金副元帥
紇石烈志寧率兵至顯忠與戰連日未決謀報金人大興河南兵將
至會宏淵與顯忠不相能而顯忠又不擄士士憤怨遂潰而歸金人
亦解去上銳意恢復是役不利乃復議和陳康伯罷湯思退張浚為
左右相浚仍以都督視師數月而罷未幾卒浚許國之心白首不渝
終身不主和議遺命付其二子以不能復中原雪國耻不得祔葬先

人之墓○湯思退密有召虜議和之迹言者論罷竄之道死康伯復
相和議成先是國書太宗去大字皇帝去皇字書用君臣之禮有再
拜等語金使至則起立問金主起居降坐受書奉使者自同階臣館
伴之屬皆拜其來使至是始稱上為宋皇帝止為叔姪之國易歲貢
為歲幣歲幣減十萬之數地界如紹興之時而餘禮往往竟不能盡
改上終身憤之其後屢請還河南陵寢地改受書禮金人卒不從蓋
上雖有志復讐而無能輔其志者自陳康伯卒後共適葉顥魏杞蔣
芾陳浚卿虞允文梁克家曾懷葉衡史浩趙雄王淮周必大留正相
繼為相惟浚卿允文並相時有經營北方之議而浚卿持重卒與允
文不合允文所為人亦議其虛誕竟不效如浩尤不主用兵必大從
容廟堂善類多所引進朱熹以淳熙十五年被召必大作相時也初

程頤卒於徽宗之世其徒揚時在欽宗光堯時皆被擢趙鼎雖不及
 識頤而主張其學思之者以揚時為還魂鼎為尊魂胡安國為強魂
 其後又有尹焞見召入經筵焞蓋頤晚年高弟也士大夫名程氏之
 學曰道學時好所尚或冒此名以進時好不同亦多以此名見擠於
 世延平李侗受學於揚時之門人羅從彥而喜又受學於侗胡詮嘗
 薦喜於光堯喜不至乾道以來屢召不起特旨改秩奉祠召入館不
 就後為南康守浙東荒除喜提舉往救之過闕嘗一入奏事至是召
 對除兵部郎與侍郎林臬不合即奉祠去數月復召喜辭惟進封事
 言天下之大本與今日之急務大本在陛下之心急務則輔翼太子
 選任大臣振舉綱維變化風俗愛養民力修明軍政六者是也喜之
 同志有廣漢張栻者魏忠獻公浚之子其學得之胡宏宏安國子也

栻之言曰有所為而為者利也無所為而為者義也學者誦為名言
 稱栻為南軒先生有呂祖謙者公著五世希哲之四在孫也亦祖程
 氏之學學者稱為東萊先生皆先是數年卒矣惟喜學問老而彌篤
 學者共師宗之稱為晦菴先生四方仰其人如泰山北斗南使至北
 金人必問朱先生安在同時有臨川陸九淵在號象山先生者與喜
 爭論太極圖說且謂學有悟入譏喜從事訓解意見頗立異云○上
 久有與子之意會光堯皇帝壽八十二而崩乃詔內禪上奉德壽二
 十六年孝養備至既升遐哀慕尤切以不得日奉几筵欲退終喪制
 移居重華宮在位二十八年金世宗雍以是歲殂其嗣允恭先卒孫
 璟立雍賢明仁恕號為北方小堯舜故金之太定三十年與宋之隆
 興乾道淳熙相終始南北皆得休息彼此無可乘之釁上之齋志不

克大有為者以此太子立是為光宗皇帝

光宗皇帝名惇年四十四自東宮受禪尊太上皇帝為至尊壽皇聖
帝周必大罷留正為邛為左右相改元曰紹熙皇后李氏大將李道
女也悍而妬欲亟立太子嘉王為儲嗣因內宴請於壽皇不許后不
遜壽皇有怒語后銜之乃造誣罔謂壽皇有廢立意致上驚恐得疑
疾及聞後宮有暴死者上震懼疾愈甚不復過重華宮近兩載始一
至壽皇彌不擇上亦不能視疾壽皇居重華踰五載壽六十八而崩
上不能執喪一日忽仆於地中外危懼太皇太后立嘉王是為寧宗
皇帝

寧宗皇帝名擴初封嘉王孝宗崩光宗疾病知樞密院事趙汝愚密
建翼戴之議知憲聖慈烈吳太皇太后以宗社為憂將白事而難其

人有知閣門事韓侂胄者琦之曾孫而太皇女弟之子也乃因以入
白太皇垂簾引嘉王入即位代執孝宗之喪中外危疑者乃定光宗
居壽康宮後六年而崩壽五十四上之為嘉王也黃裳為翊善講說
開導光宗嘗宣喻曰嘉王進學皆卿之功裳曰若欲進德修業追蹤
古先哲王須尋天下第一人乃可問為誰以朱喜對彭龜年繼為宮
僚因講每及喜說上傾心已久喜在光宗時守漳州後守潭州為湖
南安撫至上登極首被召除待制兼侍講喜未至已聞近習用事御
筆指揮皆有漸深憂之留正罷汝愚為相韓侂胄自負有定策功希
不次之賞汝愚不肯驟除遂怨汝愚為政方務引進善類裁抑僥倖
小人滋不悅相與共排之朱喜既至上疏忤侂胄在朝甫四十六日
而罷言者以為喜有宮祠之命遂近相吊天下太老去之誰不欲去

若正人盡去。何以爲國。汝愚袖還內批。且諫。且拜不聽。侂胄欲併逐。汝愚而難其名。或教之曰。彼宗姓。誣以謀危社稷。則一網盡矣。侂胄然之。汝愚在相位。數月。罷連貶竄。服藥以死。侂胄用李沐。何澹。劉德秀。胡紘。沈繼相等。爲鷹犬。搏擊善類。無遺。彭龜年。劉光祖。章穎。葉適。徐誼。沉有開。吳獵。黃由。黃度。鄧駟。陳傳良。樓鑰。鄭湜。李祥。楊簡。呂祖儉。曾三聘。游仲鴻。項安世。孫元德。袁燾。陳武。汪遠。范仲黼。黃灝。詹體仁等。貶逐不可勝紀。籍記黨人姓名。目曰偽學。以朱喜爲首。在籍者數十人。蔡元定。坐喜累。道州編管。太學生楊宏中等六人。亦坐上書。救黨人。編管留正。以嘗引用黨人。亦黜竄。俞端禮。京鏜。謝深甫。相繼爲相。○朱喜以慶元庚申卒。時偽學黨禁雖嚴。會葬者亦數千人。呂祖泰上書論雪。僞學乞誅侂胄及其黨。蘇師且周筠。羅逐陳自強之。

徒召用。周必大不然。事將不測。書出。中外太駭。杖一百。不刺。面配欽州。必大亦坐謫。降喜沒。踰年。黨禁稍解。諸人或復官。自便。然消沮。變化之餘。風俗已大壞矣。○謝深甫罷。陳自強爲相。侂胄以太師。平原郡王。平章軍國事。權傾人主。威制上下。服御擬於乘輿。土木侈於禁苑。諛者至稱爲恩王。聖相。或作詩九章。每章用一錫字。侂胄亦不辭。稔積罪惡。至於生事。閑邊。而極先是有蒙古部興於北方。在金世宗時。已強盛。稱帝。至璟立。蒙古兵來。輒長驅。金始多事。侂胄聞金有此。嚮謂中原可圖。有吳曦者。前蜀帥。吳挺之子。璘之孫也。吳氏世職。而璘威行。西蜀留其子孫於京。蓋累朝遠慮。曦有異志。久欲歸蜀。而不許。侂胄遣歸。數年。蓋欲使西蜀出兵。○開禧二年丙寅。以伐金詔告四方。諸路進師。曦首以閩外四州獻金。求封爲蜀主。尋即稱帝。賴李

好義揚巨源與安丙密謀曦僭號踰月而誅○是歲元太祖即位於
 斡難河之源太祖姓奇渥温氏諱鐵木真蒙古部人也其先世為蒙
 古部長至太祖之父曰也速該始併吞諸部落愈強大後追謚曰烈
 祖神元皇帝初神元征塔塔兒部獲其部長鐵木真宣懿右月倫適
 生太祖手握凝血如赤石神元異之因以所獲鐵木真名之志武功
 也元年大會諸王群臣建九游白旗即位群臣共上尊號曰成吉思
 皇帝時金章宗泰和六年也○丁卯開禧三年時北伐諸軍所向無
 不潰敗而退金人大發兵連陷蜀漢荆襄兩淮諸郡東南大震亟遣
 使通謝於金而侂胄弄兵之意猶未已中外患之遂有誅兇之議皇
 后楊氏知書史通古今當時侍即史彌遠建密策而旨從中出者皆
 后實為之一日侂胄入朝彌遠使殿帥夏震以兵邀之塗擁出玉津

園推殺之○先是元太祖征西夏拔力吉里塞而還至是秋再征之
 ○戊辰嘉定元年陳自强竄死蘇師且處斬周筠决配侂胄函首謝
 金和議復成錢象祖為相史彌遠累遷與象祖並相象祖罷彌遠獨
 相○金章宗璟在位二十年而殂無子立世宗之別子允濟於璟為
 叔○己巳嘉定二年春元太祖入河西屢破西夏兵夏主李安全納
 女謂和○庚午嘉定三年金謀討元築烏沙堡太祖遣將襲殺其衆
 遂畧地而東初太祖貢歲幣于金金主使衛王允濟受貢于靜州太
 祖見允濟不為禮允濟怒歸欲請兵攻之會金主璟殂允濟嗣位有
 詔至國傳言當辨太祖問金使曰新君為誰曰衛王也太祖遽南唾
 曰我謂中原皇帝是天上人做此等亦為之耶何以拜為即策馬去
 金使還言允濟益怒欲俟太祖再入貢而害之太祖知之遂與金絕

○辛未嘉定四年春元太祖南侵敗金兵襲群牧監驅馬而還自是連歲攻取金州郡○癸酉嘉定六年金主衛紹王允濟在位五年無歲不受兵幾不能支且失將士心為大將所執追廢為東海郡侯立豐王珣璟之兄也是為宣宗太祖分兵三道並進取燕南山東河北五十餘郡○甲戌嘉定七年元太祖駐蹕燕北金主以岐國公主及童男女五百馬三千兼金帛以獻乞和雖見許度不能自立於燕五月遷于汴留丞相完顏福興輔太子守忠居燕太祖遣兵圍之守忠走汴後一年而燕京陷元兵自河東渡河而南距汴二十里而去金人自是地勢益蹙山東叛之東阻河西阻潼關而已欲窺宋川蜀淮漢以自廣遂敗盟來侵宋以黃榜募忠義人進討京東路忠義李全以歲戌寅率眾來歸全本連水縣弓手在闕禧乙丑間已嘗應募焚

其縣矣○丁丑嘉定十年元以木華黎為太師封國王率諸軍南征克大名府定益都淄萊等州○戊寅嘉定十一年元木華黎自西京入河東克太原平陽及忻代澤潞等州是歲伐西夏圍其王城夏主李遵頊走西京○高麗王暉降于元請歲貢方物○己卯嘉定十二年西域殺元使者太祖親征○庚辰嘉定十三年元木華黎徇地至真定又徇河北諸郡○壬午嘉定十五年元太子拖雷克西域諸城遂與太祖會秋金主復遣使請和太祖時在回鶻國謂之曰我向令汝主投我河朔地令汝主為河南主彼此罷兵汝主不從今木華黎已盡取之乃始來請耶遂不許○癸未嘉定十六年春三月元太師魯國主木華黎卒○五月初置達魯花赤監治郡縣○金章宗珣在位十二年而殂子守緒立是為哀宗○甲申嘉定十七年元太祖

至東印度駐鐵門關有一獸鹿形馬尾綠色而一角能為人言謂侍衛者曰汝宜早還太祖以問耶律楚材曰此獸名角端能言四方語好生而惡殺此天降符以告陛下願承天心宥此數國人命太祖即日班師○自歲丁丑以後宋與金戰雖迭有勝敗然三邊無歲不被其擾上在位三十年改元者四謙恭仁儉終始如一然慶元嘉泰開禧凡十三年則侂冑之政嘉定十七年則彌遠之政壽五十七而崩彌遠定策立嗣是為理宗皇帝

理宗皇帝初名與宮宗室追封榮王謚文恭希瓚之子太宗十世孫也寧宗子多而不育鞠宗室子名詢立為太子薨初皇從弟沂靖惠王柄無子嘗以宗室子賜名貴和為之後及失太子詢遂立貴和為皇子賜名竑封濟國公竑慧而輕嘗疾史彌遠專權謂異日不可容

彌遠聞而惡之故陰為之計與宮幼不好弄群兒聚嬉輒獨登高坐不動長上見者指以語群兒曰汝曹不效此人恰一大王相似群兒每羅拜其下遂有趙大王之號彌遠物色得之嘗取應得舉矣特旨補官竑既為寧宗子遂以與宮為沂王後賜名貴誠除邵州防禦使寧宗大漸乃自中宮以貴誠為皇子改名昀宣遺詔即位進竑濟陽郡王出判寧國府恭聖仁烈楊后同聽政事定然後撤簾○丙酉寶慶元年時外議籍籍有謀作亂立竑者事不克皆死李全在楚州與制置許國相失殺國亦以問罪為辭舉兵南向圍揚州幾陷○丙戌寶慶二年元太祖伐西夏取甘肅等州遂踰沙陀至黃河九渡○丁亥寶慶三年元滅夏以夏主李睨歸○七月元太祖殂于六盤山臨殂謂左右曰金精兵在潼關南據連山北限大河難以遷破莫若

假道于宋金世讐必能許我則下兵唐鄧直擣汴京汴急必徵兵潼
 關然以數萬之衆千里赴援人馬疲弊雖至弗能戰破之必矣言訖
 而殞在位二十二年壽六十六葬起輦谷至元二年冬追謚曰聖武
 皇帝廟號太祖深沉有大略用兵如神故能滅國四十其勳績甚衆
 史之紀載不備惜哉○太祖既殂時皇子窩闊台留霍博之地國事
 無所屬皇子拖雷監國以俟皇太子至而立之越二年皇太子始立
 是為太宗○己丑紹定二年元太宗名窩闊台太祖第三子母曰
 光獻皇后弘吉剌氏是歲夏奔喪至忽魯班雪木只之地皇弟拖雷
 來見大會諸王百官以太祖遺詔即位始立朝儀皇族尊屬皆就班
 以拜○元始置倉廩立驛傳命○庚寅紹定三年遣兵取京兆七月
 太宗自將伐金皇弟拖雷姪蒙哥帥師從○辛卯紹定四年春趙范

趙葵大敗李全于揚州城下時屬上元張燈全置酒高會于平山堂
 城中諜知夜遣兵出其不意劫之全走陷于濠為亂槍所斃其餘奔
 走北去○二月元太宗克鳳翔攻洛陽河中諸城下之五月元遣使
 來假道宋殺之○八月元始立中書省改從官名以耶律楚材為中
 書令粘合重山為左丞相鎮海為右丞相○十二月元太宗取河中
 太弟拖雷發騎六萬分兵自西和夏州入興元由金房道襄陽至唐鄧
 與金人鏖戰於陽翟潼藍之戍亦潰西兵畢至合圍於汴○壬辰紹
 定五年元太宗由白坡渡河次鄭州攻鈞州克之遂取商虢嵩汝等
 十四年使速不臺圍金汴京金主遣其弟訛可入質太宗還留速不
 臺守河南八月金兵救汴諸軍與戰敗之九月太弟拖雷卒于師金
 主守緒突圍出走歸德府○元再使王楸來議夾攻伐金京湖制置

使史嵩之以聞朝臣皆以為可遂復讐之舉獨趙范不喜曰宜和海
 上之盟厥初甚堅迄以取禍不可不鑑帝不從詔嵩之報使許之嵩
 之乃遣鄒伸之報謝且議夾攻汴京元人許俟成功以河南地歸宋
 ○癸巳紹定六年金主奔歸德糧絕乃趨蔡州其將崔立以汴京降
 元四月元速不臺進至青城崔立以金太后王氏皇后徒單氏荆王
 從恪等至軍速不臺遣送北還○元以孔子五十世孫元楷襲封衍
 聖公整修孔子廟及渾天議○宋丞相史彌遠卒鄭清之為相史嵩
 之為京湖制帥在襄陽南北有夾攻蔡州之約嵩之遣孟珙以兵四
 萬人先至圍其東南元兵圍其西北○甲午端平元年正月金主守
 緒自經死函其首送于宋獲承麟殺之金自完顏昺稱帝至是九世
 一百一十七年而亡○夏四月獻金俘于太廟會淮帥趙范趙葵乘

金人之亡為恢復計朝臣多以為未可獨鄭清之力主其說帝乃命
 范移司黃州刻日進兵范參議官岳岳曰方興之敵新盟而退氣盛
 鋒銳寧肯損所得以與人耶我師若往彼必突至非惟進退失據開
 釁致兵必自此始且千里長驅以爭空城得之當勤饋餉後必悔之
 范不聽史嵩之亦言荆襄方爾饑饉未可興師杜杲復陳出師之害
 范葵故荆湖制帥趙方之子習於兵銳意攻取募山東忠義皆響應
 伸之未回而宋師出矣伸之等幾被羈留於燕詭辭得與檄俱來檄
 曰何為而敗盟也自是淮漢之間無寧日矣不數日汴人以城附宋
 宋師入汴即趨洛元兵戍洛者無幾姑避去宋師入洛不數日糧絕
 聞元生兵且大至潰而歸咎嵩之主和不肯運糧致誤事○乙未端
 平二年春元城和林作萬安宮遣諸王拔都太子貴由姪蒙哥征

西域太子闊端侵蜀漢太子曲出及胡士虎侵宋唐吉征高麗○丙申端平三年元印造交鈔行之六月耶律楚材請於燕京立編修所於平陽立經籍所編集經史召儒生梁陟充長官以王萬慶趙著副之秋闊端取宋閩外數州十月入成都取秦鞏等四十餘州○時和議既不復諧蜀遂破陷荆襄淮甸無歲不受攻哨○元以耶律楚材言始定天下賦稅上田每畝稅三升中田二升半下田二升水田一畝五升商稅三十分之一五戶出絲一斤以給諸王功臣湯沐之賜塩每銀一兩四十斤永為定額朝臣皆謂太輕耶律楚材曰將來必有以利進者則已為重矣○丁酉嘉熙元年詔經筵進講朱熹通鑑綱目○八月元試諸路儒士中選者除本貫議事官得四千三十人元兵略地至黃州宋孟珙敗之戊戌嘉熙二年先是杜杲却元人安

豐之兵復破寨宰八十萬兵於廬州後解儀真之圍以功權刑部尚書復進敷文閣學士○呂文德總統兩淮出戰軍馬進淮西招撫使文德安豐人魁梧勇悍微時鬻薪城中趙師葵道傍見遺履長尺有咫驚訝訪求得之留之麾下後以邊功至顯官○元塔思軍至北峽閩宋將汪統制降先是曲出率張柔等攻郢州拔之至是宋孟珙復取襄陽○元領中書行省揚惟中建太極書院于燕京延趙復為師時濂溪周子之學未至於河策惟中用師于蜀湖京漢得名士數十人始知其道之粹乃收集伊洛諸書載送燕京及師還遂建太極書院及周子祠以二程張楊游朱六子配食由是河朔始知道學○庚子嘉熙四年春元太子貴田克西域未下諸部元勅州郡失盜不獲以官物償之國初多盜下令凡失盜去處令本路民戶代償民苦之

多亡命至是罷徵又官民貸回鵲金銀償之者歲加倍謂之羊羔利
 往往破家至以妻子為質終不能償耶律楚材請悉以官物代還凡
 七萬六千錠仍令凡假貸歲久惟子本相侔而止著為令○辛丑淳
 祐元年宋詔追封周敦頤汝南伯張載郿伯程顥河南伯程頤伊楊
 伯朱喜徽國公並從祀孔子廟庭黜王安石從祀帝謁孔子遂臨大
 學○十一月元太宗出獵殂于鉅鐵鐸胡蘭年五十六葬起輦谷後
 追謚曰英文皇帝廟號太宗太宗自寬弘之量仁恕之心量時度物
 舉無過事華夏殷富庶民樂業行旅不齎糧時稱治平元自太宗殂
 後皇后乃馬真氏臨朝稱制凡五年不立君○甲辰淳祐四年先是
 鄭清之罷相喬行簡李宗勉等繼為政無所決斷上思史嵩之之言
 自督府入為相雖欲議和輒為衆論所沮嵩之丁父癯遠憂聞訃數

日乃行詔起復為相言者目為德姦力攻之遂不復相范鍾游侶鄭
 清之謝方叔吳潛董槐程元鳳丁大全等相繼為相每歲以防秋為
 常事○元中書令耶律楚材卒后嘗以儲嗣事問楚材對曰此非外
 臣所敢知自有太宗遺詔在守而行之社稷之幸也后嘗以御寶空
 紙付幸臣與都刺合巒令自書填行之楚材奏曰天下者先帝之天
 下朝庭自有憲章今欲紊之臣不敢奉詔事遂止復有旨凡與都刺
 合巒所奏准令史不為之書者斷其手楚材曰軍國之事先帝悉委
 老臣令史何與焉事若合理自當舉行如不可行死且不避况斷手
 乎后以其先朝勛舊曲加敬禪焉楚材天資英邁愛出入表雖茶糜
 滿前酬答不失其亘正色立朝不為勢屈欲以身徇天下每陳國家
 利病生民休戚辭色懇切太宗嘗曰汝又欲為百姓哭耶楚材每言

興一利不若除一害生一事不若減一事平居不妄言笑及接士人
溫恭之容溢于外莫不感其德焉○元便宜總師汪世頭卒世頭善
兵能將重儒愛民勤儉自持有古名將之風○丙午淳祐六年元定
宗即位于速茂禿都定宗名貴由太宗長子也母曰六皇后乃馬真
氏初太宗有旨以皇孫失烈門為嗣及殂后臨朝稱制者五年乃議
立定宗○戊申淳祐八年元定宗尸位三年而殂壽四十三葬起輦
谷追謚簡平皇帝○元自馬真氏臨朝以來法制不一內外離心定
宗既殂皇后海迷失抱子失烈門出簾聽政諸王大臣不服共議立
太弟蒙哥後二年是為憲宗即位○辛亥淳祐十一年元憲宗名蒙
哥太祖第四子拖雷之長子先是諸大臣欲奉屈出之子失烈門久
而不決至是元良哈平以太祖諸孫惟憲宗謙慎宜立遂大會于闊

帖兀阿蘭之地而即位焉失烈門不服憲宗因察諸王有異同者並
羈縻之取主謀者誅夷之由是始定○余玠大敗元人于興元○元
憲宗命太弟忽必烈總治蒙古漢地民戶事開府于金蓮川先是姚
樞隱居蘓門以道自任太弟召之樞至見太弟聰明才不世出虛已
受言將大有為乃盡其平日所學為書教千言上之首以二帝三王
為學之本為治之序與治國平天下之大經彙為八目曰脩身力學
尊賢親親畏天愛民好善遠佞次及時政之弊為條三十本末兼該
細大不遺太弟太奇其才動必見詢○元以史天澤趙璧為河南經
畧使○壬子淳祐十二年元定宗后及失烈門母以厭禳事覺並賜
死謫失烈門及其黨於沒脫赤之地○六月元憲宗以中州漢地封
同姓太弟於汴京閔中自擇其一姚姬曰南京河徒無常土薄水淺

馮鹵生之不若閩中厥田上古名天府陸海太弟遂請閩中由是
 太弟有閩中河南之地○癸丑寶祐元年四川制置使余玠卒以余
 晦為四川宣諭使○元太弟忽必烈平大理國○甲寅寶祐二年時
 余晦宣撫四川以私恨誣奏利路安撫王惟忠潛通北境大理陳大
 方承旨鍛成之惟忠將斬於市色不變謂大方曰吾死訴於天既斬
 血逆流而上未幾大方入朝恍惚與惟忠還遂卒先是朝廷用彭大
 雅理蜀甚有威名重築重慶城余玠遷蜀郡平曠之地分治險要如
 合州治釣魚山之類在蜀二十年民藉以安至余晦貪繆罔功敗失
 要地以和州守劉雄飛為四川制置胡頴每見滯祠即毀之人謂之
 胡打鬼經畧廣東廣有僧寺佛像中有巨蛇時出享人祭祀僧托之
 題疏得數千緡額至毀佛擊蛇其怪遂息○丙辰寶祐四年高麗王

細嗟甫雲南酋長摩合羅嗟及素州諸國朝千元○元憲宗欲建城
 市為都會之所太弟忽必烈言劉秉忠精於天文地理之術乃命相
 宅秉忠以桓州東灤水北之龍岡為吉乃命秉忠營之名曰開平府
 三年而畢功○丁巳寶祐五年元回鶻獻水精盆珍珠傘可直銀三
 萬餘錠憲宗曰方今百姓疲弊所急者錢耳朕獨有此何用却之○
 十月元元良哈歹伐安南屠其城戊午寶祐六年二月安南王傳國
 於長子光島遣使以方物獻于先○元討回回哈里發平之九月憲
 宗親帥大軍入蜀攻苦竹隘宋守將楊立張實死之是時元人勢欲
 順流東下一軍自大理國幹服南來歷邕桂之境以至潭州一軍渡
 江圍鄂州○罷丁大全以吳潛為左相即軍中拜賈似道為右相趙
 葵樞密策應使杜庶兩淮制置夏貴總領舟師呂文德等衆風戰勝

潛以向士璧守潭適南來二哥元帥遇宋候騎而死潭圍先解高遠
等守鄂似道駐漢陽為鄂援○已未開慶元年元憲宗圍合州遣使
招諭守將王堅殺使者固守拒之○七月元憲宗殂於釣魚山在位
九年壽五十二後追謚曰桓肅皇帝憲宗剛明雄毅沈斷寡言不樂
宴飲不好侈靡雖后妃亦不過制太宗末年群臣擅權政出多門至
憲宗凡詔旨必親起草更易教回然後行之御群臣甚嚴嘗諭曰汝輩
若得朕獎諭即志氣驕逸災禍未有不隨至者汝輩其戒之時太弟
進攻鄂州宋守將張堅守不下遂死之○似道自漢陽至鄂督師而
太弟忽必烈攻城益急城中死傷者至萬三千人似道大懼密遣宋
京詣元營請稱臣納幣太弟不許會合州守王堅遣人走鄂以憲宗
訃聞于似道似道再遣宋京往元營太弟亦聞阿里不哥欲襲尊號

郝經曰若彼果稱遣詔便正位號下詔中原行赦江上欲歸得乎願
大王以社稷為念班師議和置輜重率輕騎而歸直造天都遣二軍
逆大行靈臯收皇帝璽遣使召旭烈阿里不哥諸王會喪和林差官
諸路安輯命王長子真金鎮守燕都示以形勢則大寶有歸而社稷
安矣太弟然之乃許似道和且約歲幣之數遂拔寨而去留張閻旺
以偏師候湖南兀良哈歹之兵○庚申景定元年元世祖名忽必烈
憲宗同母弟也憲宗既殂阿藍答兒渾都海等謀立世祖弟阿里不
哥憲宗后聞之遣使馳至鄂請速還春三月至閔平諸王大臣同勸
進三讓乃即位○元兀良哈歹會張傑于鄂州帥師北還宋賈似道
命夏貴敗其後軍于新生磯遂匿其議和稱臣納幣之事上表言鄂
圍始解江面肅清宗社危而復安實萬世無疆之休帝以似道有再

造功下詔褒美賞資甚厚○元阿里不哥僭號于和林城曲○五月十九日元建元中統○進中統交鈔○元世祖自將討阿里不哥○元廉希憲大敗西軍于姑臧斬阿監答兒及渾都海○元以梵僧八合思八為國師○元遣郝經來尋盟且徵前日請和之議買似道既還朝使其客廖營中撰福華編稱頌鄂功朝廷不知其求和也○元世祖既立廣希憲請遣使以息兵講好命軍北歸俾恩威並著世祖善之而不得其人王文統素忌郝經才德乃遣經行或謂經曰盍以疾辭經曰自南北構難江淮遺黎弱者被俘略壯者死原野兵連禍結斯亦久矣聖上一視同仁務通兩國之好雖以微軀蹈不測之淵苟能弭兵靖亂活百萬生靈於鋒鏑之下吾學為有用矣遂行王文統陰諷李壇侵宋以沮撓之欲假手以害經經踰淮賈似道懼姦謀

呈露遂以李壇為辭拘留經于真州之忠勇軍營驛吏防守嚴於獄犴介佐或不佞堪經語之曰將命至此死生進退聽其在彼守節不屈盡其在我豈能不忠不義以辱中州士大夫乎但公等不幸須忍死以待揆之天時人事宋祚殆不遠矣衆感其言皆自振勵帝聞有北使謂宰執曰北朝使來事牀當議似道奏和出彼謀豈容一切輕徇倘以交隣國之道來當令入見賈似道忌言聞臣兵退行打算費用法欲以此污之向士璧趙葵史岩之杜庶等皆坐侵盜掩匿罷官徵償而士璧所償尤多竟安置而死復拘其妻妾而徵之猶不能足信州謝枋得以趙葵撤給錢粟募民兵守禦枋得曰不可以累趙宜撫也自償萬緡餘不佞辨乃上書似道有云千金而募徒木將取信於市人二卵而棄千城豈可聞於隣國遂得免徵餘者○呂文德制

置荆湖知鄂州。○辛酉景定二年瀘州守劉整叛降于元先是止遷
 蹕之議者吳潛蓋守城之力者向士璧奏斷橋之功者曹世雄劉整
 既而似道妬功譖士璧世雄皆貶死整已懼禍而蜀帥鄭興復以宿
 憾遣吏至瀘打算軍前錢糧適北軍壓境遂叛去。○元命軍中所俘
 儒士聽贖為民七月元初立翰林國史院。○立諸路提舉學校官。○
 元諸將敗西軍阿里不哥北遁。○元封皇子真金為燕王領中書省
 事。○壬戌景定三年呂文德復瀘州。○元江淮大都督季壇以京東
 漣海來歸詔封壇為齊郡王復其父全官爵。○元宰臣王文統坐與
 壇通謀伏誅。○元史天澤圍季壇于濟南壇復降于元元人誅之。○
 元以董文炳為山東路經略使。○元立十路宣慰司立諸路轉運司。
 ○癸亥景定四年二月元以王德素為使劉公諒為副致書來詰其

誓留郝經之故三月元初建太廟五月月初立樞密院以太子燕王真
 金守中書令兼判樞密院事以閔平府為上都元以姚樞為中書左
 丞樞曰陛下於基業為守成於治道為創始正宜睦親族以固本建
 儲副以重祚定大臣以當國開經筵以格心修邊備以防虞蓄糧餉
 以待歉立學校以育才勸農桑以厚生世祖納之。○呂文德復瀘州
 文德號黑灰團劉整獻言於元曰南人惟恃黑灰團然可以利誘乃
 遣使獻玉帶於文德求置榷場於襄城外文德許之使曰南人無信
 願築土城以護貨物文德不許使者復至文德請於朝許之開榷場
 於樊城外築土墻於鹿門山外通互市內築堡文德弟呂文煥知被
 欺兩申制置為吏所匿元人又於白鶴城築第二堡文煥再申方達
 文德大驚曰誤朝廷者我也即請自赴授會病卒。○甲子景定五年

七月慧星長十數丈芒角燭天自四更從東見日高方歛月餘乃不見楊棟因指言蚩尤旗因此遭論去國○八月元以燕京為中都大興府劉秉忠請定都于燕世祖從之○元改元至元時阿里不哥兵屢敗至是與諸王王龍答失罕速帶音里吉合及其謀臣不魯花脫忽思等來歸詔諸王皆太祖之裔並釋不問其謀臣不魯花伏誅○元立諸路行中書省○冬十月上崩在位四十一年改元者八寶慶紹定則彌遠十年之政端平初元善類滿朝有真德秀魏了翁等為執政侍從人以比慶曆元祐自嘉禧以後至于淳祐則有嵩之數年之政嵩之既去自淳祐至寶祐正人指邪為邪邪人指正為邪互為消長而狼狽莫如開慶丁大全之政景定改元大全與吳潛雖人品不同各以竄死似道獨相遂執國政末年寢有君臣相猜之跡未及

更變而崩壽六十一上臨御以來終始崇獎周程張氏及朱張呂氏諸儒義理之學故廟號理宗太子立是為度宗皇帝
 度宗皇帝初名孟啓福王與芮之子理宗之猶子也理宗子多而不育鞠孟啓於宮中改名孜又改名祺立為皇子封忠王已而建儲改名獻歲甲子即位時則蒙古部國號大元紀元至元之初也賈似道專政進平章軍國重事魏國公立相以自副○臨安府士人葉李蕭規等上書詆似道專權害民誤國似道怒以他事罪竄遠州○詔馬廷鸞留夢炎兼侍讀李伯玉陳宗禮范東叟兼侍講何基徐幾兼崇政殿說書○元以王盤為翰林學士承旨○乙丑咸淳元年元以安童為右丞相伯顏為左丞相以劉秉忠為太保參中書省事○丙寅咸淳二年呂文煥守襄陽元人自開互市以來築城置堡江心起萬

人臺撤皇橋以遏南兵之援時出師哨掠襄樊城外兵威漸振○似
 道建第西湖葛嶺自娛五日一乘湖船入朝不赴堂治事吏抱文書
 就第呈署他相書紙尾而已內外諸司彈劾薦辟舉削非闕白不敢
 行一時正人端士斥罷殆盡吏爭納賂以求美職圖為帥閫監司郡
 守者貢獻至不可勝計趙潛輩爭獻寶玉貪風大肆兵喪于外匿不
 以聞民怨干下誅責無替莫敢言者○元立制國用使司以阿合馬
 為使封世子南木合為北平王○賜日本國王書○初給官吏俸及
 職田○元封太子忽哥赤為雲南王○丁卯咸淳三年元以史天澤
 為左丞相忽都答兒耶律鑄降為平章政事伯顏降右丞廉希憲降
 左丞○戊辰咸淳四年襄陽受圍文煥告急遣高達范文虎赴援道
 不通二將亦不用命○三學士人上書乞調諸道兵併力救襄不報

○方量推排田賦○葉夢鼎辭位不允徑去○江萬里馬廷鸞為相
 ○元立御史臺及諸道提刑按察司行新製蒙古字更號僧八合思
 馬為帝師築堡鹿門山立諸路蒙古字學○庚午咸淳六年江萬里
 請援兵救襄議不合罷去○上一日間似道曰襄陽受圍三年奈何
 對曰北兵已退陛下得何人之言上曰適有女嬪言之詰問誣以佗
 事賜死自是無敢以邊事言者○似道權傾人主諛者動以周公輔
 成王擬之親王外戚宦官近習皆箝制不敢恣常世望士亦引用登
 朝為儀羽而服心不在焉在外監司郡守亦參用廉介非其人而得
 進者各有蹊徑最以吝賞誅貨失將帥心劉正降北獻策取東南謂
 緩取則經營自蜀而下急則由襄淮直進時諸將北降知國虛實者
 相繼似道方以粉飾太平為事畧不為意○元平章政事廢希憲罷

世祖嘗令受帝師戒希憲對曰臣已受孔子戒世祖曰汝孔子亦有戒耶對曰為臣當忠為子當孝是也有方士請鍊大丹教中書給其所求希憲奏曰前世人主多為方士誑惑堯舜得壽不假靈于大丹也世祖善之以許衡為中書左丞時阿合馬專權無上竊國害民嘗欲以其子典兵柄衡曰國家事權兵民財三者而已父位尚書省典民典財而子又典兵太重竝祖曰卿慮阿合馬反耶衡對曰此反道也古者姦邪未有不由此者世祖以衡語語阿合馬阿合馬由是怨衡○辛未咸淳七年元劉秉忠許衡進所定朝儀○立司農司以張文謙為司農卿○教水軍七萬造戰艦五千築環城以逼襄陽○以許衡為集賢大學士國子祭酒○十月建國號大元詔曰誕膺景明奄四海以宅尊必有美名紹百王而紀統肇從隆古匪獨我家且唐

之為言蕩也堯以之而著稱虞之為言樂也舜因之而作號馴致禹興而湯造夏名夏大以殷中世降以還事殊非古雖乘時而有國不以義而制稱為秦為漢者蓋從初起之地名曰隋曰唐者又即始封之爵邑是皆徇百姓見聞之狃習要一時經制之權宜聚以至公得無少貶我太祖聖武皇帝握乾符而起朔土以神武而膺帝圖四振大聲大恢土宇輿圖之廣歷古所無項者耆宿詣廷奏章伸請謂既成於大業宜早定於鴻名在古制以當然於朕心乎何有可建國號曰大元蓋取易經乾元之義茲大治流形於庶品孰名資始之功予一人底寧為萬邦尤切躡仁之要事從因革道協天人於戲稱義而名固匪為之溢美乎休惟永尚不負於投艱嘉與敷天共隆大號咨爾有衆體予至懷從太保劉秉忠之議也○壬申咸淳八年葉夢鼎

再相以與似道意不合去○襄陽陷先是理宗初年襄陽以制臣失撫御致王昉作亂而陷謝方叔作相喻李曹伯遣將取之北方亦不苦爭及劉整策行重兵圍襄陽呂文煥守城六年扞禦備至而似道不肯調援雖糧食未乏衣裘薪芻無所措辦至撤廬舍為薪緝閔楮為衣援兵不至遂以城降為元人之用○賈似道累章出督而陰諷朝廷留之卒不行○元僦尚書省封皇子忙哥剌為安西王○直學士院文天祥致仕初賈似道稱病乞致仕以為要君似道諷張立志劾罷之天祥遂引錢若水例乞致仕時年三十七矣○癸酉咸淳九年平地產白毛如銀線萊臨安尤多元侵樊城守將張漢英及都統制范天順牛富死之○元國子祭酒許衡乞罷許之衡居家勤儉強於自治公愛兼盡不嚴而整閨門之內若朝廷然夫婦相待如賓凡

喪葬一遵古制不用佛老懷孟之間化之旁舍有僧德公者年百餘歲嘗謂其徒曰老僧苦行百年亦不能作佛徒為不孝之人蓋見祖宗于地下但願小僧輩還俗以壽汝祖宗之嗣自是不復度弟子蓋化之也○甲戌咸淳十年賈似道丁母憂隨起復○陳宜中僉書樞密院○七月上崩在位十年改元咸淳壽三十五似道立皇子焮年四歲是為孝恭懿聖皇帝
孝恭懿聖皇帝名焮皇后全氏出也太皇太后謝氏臨朝稱詔改元德祐○封兄建國公焜為吉王弟永國公焜為信王○元太保劉秉忠卒秉忠以天下為己任知無不言言無不聽其薦人才各稱器使城開平城燕都皆秉忠相其地至是無疾端坐而卒世祖聞驚悼謂群臣曰秉忠事朕三十餘年小心慎密其陰陽術數之精唯朕知之

元命。中書平章史天澤。中書左丞相伯顏帥諸軍南侵。陛辭。世祖諭之曰。古之善取江南者。唯曹彬一人。汝能不殺。是吾曹彬也。天澤有疾。而還。尋卒。先是。世祖遣暨馳視天澤。附奏曰。臣大限有終。死不足惜。第願天兵渡江。以殺掠為戒。言訖而卒。天澤忠亮有大節。出入將相近五十年。柱石四朝。師表百辟。可謂社稷之臣。其視富貴權勢。歛迹退避。若將浼之者。故能善始令終。為開國元臣。○元伯顏丞相大會兵于襄樊。九月。以降人劉整領騎兵出淮泗。呂文煥領舟師出襄陽。爭先向導。水陸並進。攻沙市新城。都統邊居誼帥所部三千人力戰死之。策應使夏貴力戰元兵。出其不意。兵敗。沿西南岸縱火歸廬州。宣撫朱撰孫提重兵不戰歸江陵。○鄂州降。○天目山崩。○詔天下勤王。○乙亥。德祐元年。元伯顏留阿里海牙以兵四萬守鄂。而與

阿木率大軍渡江。順流東下。時沿江諸將多呂氏部曲。望風降附。○江州降。運使錢真孫自縊。○劉整自愧出淮無功。憤死。無為軍城下。○似道都督軍馬。遷延不出。聞兵已下建康。始率諸軍發行。在迂道而行。數日。始達蕪湖。將趨安慶。府牽制下流之師。未至三日。安慶帥范文虎乃呂氏婿。已降。將士無復固志。似道許竭轉官資。諸軍詭曰。要官資。做甚。已未。庚申。官資何在。似道不能答。鳴鑼一聲。退兵千珠。金砂十三萬。衆一時潰散。似道奔入揚州。○江西提刑文天祥募兵勤王。天祥吉州廬陵人也。丙辰。魁進士第。○殿帥韓震謀劫遷都。陳宜中以計誅之。○池州破。通守趙昂發將死。與其妻訣。妻曰。卿能為忠臣。妾顧不能為忠臣。妻耶。昂發喜。具衣冠與俱。縊。明日。伯顏入城。見而憐之。具衣棺葬焉。○建康破。趙淮死之。○京師戒嚴。朝臣接踵

宵遁○王煥陳宜忠等劾似道不忠不孝之罪宜中本受賈恩至是
亟劾賈以自解○似道赴貶鄭虎臣以父仇監押至漳州即厠上拉
其胸殺之○張世傑以兵入衛元兵在境陳宜中等惟攻擊賈黨略
無備禦之策司馬夢求監江陵沙市鎮力戰死徵諸帥入衛夏貴咎
萬壽黃萬石等不至○六月庚辛朔日蝕晦真鷄插千埒咫尺不辨
人物自已至午明始復○留夢炎相○文天祥將民兵峒丁二萬餘
人入衛與夢炎意不相樂以尚書除江浙制置守吳門○州郡連降
元兵距臨安百里獨松關告急時張世傑軍五萬諸路勤王兵四十
餘萬天祥與世傑議兩軍堅守闔廣全城王師血戰萬一得捷猶可
為也世傑大喜議出師宜中以王師務持重降詔沮之遣使乞和○
詔天祥等罷兵○潭州陷時一軍自湖南圍潭州守臣李芾戰守屢

捷經八九月城將陷闔門死之○丙子德祐二年正月秀王與畢奉
皇兄益王昞皇弟廣王昺等航海○世傑去朝○元兵駐高亭山去
都城三十里○宜中夜遁○文天祥右丞相辭不拜賈餘慶吳堅相
○天祥出使軍前辭氣慷慨議論不屈伯顏留之○元兵入臨安賈
餘慶等奉三宮以降手詔諭諸路內附○伯顏遣宰執先赴大都天
祥亦登舟北行至鎮江得間逸去○三宮北遷宗室駙馬宮人內侍
三學生等數十人皆在遣中過真州守苗再成奪駕幾遂不克○五
月宋帝至上都降封瀛國公帝在位二年改元者一曰德祐○益王
廣王由海道至温州蘓劉義陸秀夫來會陳宜中張世傑海舟亦至
福州宜謝太后手詔以二王為天下都副元帥召諸路忠義五月朔
陳宜中陸秀夫張世傑等共立益王昞為帝即位于福州是為端宗

皇帝

端宗皇帝名昞。孝恭懿聖皇帝兄也。即位改元景炎。遙上帝尊號為孝恭懿聖皇帝。太皇太后為壽和聖福至仁太皇太后。皇太后為仁安皇太后。尊度宗淑妃楊氏為皇太后。同聽政。○封廣王昺為衛王。陳宜中左丞相。張世傑少保。○文天祥至。除右丞相。以與宜中世傑異意不肯拜。○九月。天祥閱督南劍州募兵。得數十。遂復邵武軍。冬十月。天祥帥師次于汀州。興化軍通判張日中等來會。時贛寇猖獗。血江閩廣之路。日中等聞天祥。閱督勤王。遂各起兵來應。天祥遣趙時賞。張日中。趙孟深。將一軍趨贛。以取寧都。遣吳浚。將一軍取雩都。劉洙。蕭明。皆陳子敬。皆自江西起兵來會。○鄒淵與元人戰于寧都。敗績。武崗教授羅開禮起兵復永豐縣。亦死。天祥為製服哭焉。○十

一月。元阿剌罕董文炳入建寧府。遂侵福州。宜中世傑奉帝及衛王楊太后等航海。由潮州至廣州。趨富陽。遷謝女峽。○丁丑。景炎二年。阿剌罕入汀州。文天祥奔漳州。謀入衛。道阻不通。往來江廣間。戰有勝負。○吳浚降于元。因趨漳。說天祥降。天祥貴以大義誅之。○三月。文天祥復梅州。○四月。天祥復興國縣。○五月。張立傑復潮州。○天祥自梅州出江西。遂復會昌縣。與趙時賞。張日中之兵皆會之。○元中書政事廉希憲卒。希憲在江陵。遠近向化。反有疾。召還。民皆垂涕擁送。建祠繪像以祠之。卒。世祖歎曰。無復有決大事如廉希憲者矣。伯顏亦曰。廉公宰相中真宰相。男子中真男子。世以為名言。○六月。天祥敗元人于雩都。遂次于興國縣。秋七月。使張日中。張時賞等帥師復吉贛諸縣。遂圍贛州。○張世傑回師。由潮州圍泉州。不克。○帝

舟遷于潮州之淺灣○元李恒遣兵接贛而自將襲天祥于興國天祥不意恒猝至乃引兵走即鄒淵于永豐淵兵先潰恒窮追天祥天祥至方石嶺恒及之張日中奮力戰元兵少却恒麾鐵騎橫擊之日中身被十餘創猶手及十餘騎而死兵盡潰天祥妻歐陽氏男佛生環生及二女皆見執趙時賞坐肩輿後元人問為誰時賞曰我姓文眾以為天祥禽之天祥由是得挺身與其長子道生及杜沂鄒淵乘騎逸去遂奔循州散兵頗集乃屯于南嶺幕僚客將皆被執時賞至隆興奮罵不屈臨刑劉沐頗自辨時賞叱曰死耳何必然於是將佐幕屬被執者皆死而天祥妻子家屬送于燕二子死于道○廣州陷○十一月元劉深以舟師襲淺灣張世傑戰不利奉帝舟走秀山陳宜中之占城求兵遂不復還十二月帝再遷于并隩颶風作帝有疾

元劉深復以舟師來襲并隩執愈如珪帝舟遷于謝安峽○戊寅景炎三年張世傑遣師討雷山不克○三月文天祥會兵次于嚴江浦○元以張弘範為都元帥李恒副之帥師入閩廣○帝舟遷于碭州夏四月帝崩于碭州陸秀夫立衛王為帝是為帝昺帝昺端宗皇帝弟也名昺即位改元祥興皇太后楊氏同聽政先是群臣多欲散去陸秀夫曰慶宗皇帝一子尚在將焉置之古人有以一旅一成中興者今百官有司皆具士卒數萬天若味欲絕宋此豈不可為國耶乃與眾共立帝年八歲矣適有黃龍見海中遂改祥興而升碭州為翔龍縣以陸秀夫為左丞相兼樞密使時播越海濱庶事疎畧每時節朝會獨秀夫儼然正笏立如治朝或在行中淒然泣下以朝衣拭淚衣盡濕左右無不悲慟者及拜首相與張幸傑共秉

政外籌軍旅內調工役凡出其手雖忽遽流離中猶日書大學章句以勸講○六月帝舟遷于新會之厓山○有大星南流墜海中小星千餘隨之聲如雷數刻乃止○天祥聞帝即位上表自劾敗于江西之罪乞入朝不許而加少保封信國公會軍中大疲士卒多死天祥子道生復亡家屬俱盡○元以許衡為集賢大學士兼領太史院事○文天祥屯潮陽鄒淵劉子俊皆集師會之遂討盜陳懿劉興于潮興死懿遁道張弘範兵濟潮陽天祥力不支帥其麾下走海豐張弘正追之天祥方飯五坡嶺弘正兵突至眾不及戰皆頭首伏草莽天祥被執吞腦子不死鄒淵自到劉子俊自詭為天祥冀可免天祥及執天祥至各爭真偽遂烹子俊而執天祥見弘範左右命之拜天祥不屈弘範釋其縛以客禮見之天祥固請死弘範不許或謂弘範曰

敵人之相不可測也不宜近之弘範曰彼忠義也保無他求族屬被俘者悉還之處舟中以自從○葬端宗于厓山○元阿里海牙自海南還師上都○已卯祥興二年正月元張弘範兵至厓山張世傑力戰禦之弘範無如之何時幸傑有甥韓在元師中弘範三使韓至宋師招世傑世傑不從曰吾知降生且富貴但義不可移耳因歷數古忠臣以答之弘範乃命文天祥為書招世傑天祥曰吾不能扞父母乃教入叛父母可乎固命之天祥遂書所過零丁洋詩與之其末有云人生自古誰無死留取丹心照汗青弘範笑而置之弘範復遣人語厓山士民曰汝陳丞相已去文丞相已執汝欲何為士民亦無叛者弘範又以舟師擄海口宋師樵汲道絕兵士茹乾糧十餘日而大渴乃下掬海水飲之水鹹飲即嘔泄兵士大困世傑帥蘇劉義方與

等旦夕大戰元李恒自廣州以師會攻弘範命恒守崖山北面○二月戊寅朔世傑將陳寶叛降于元己卯都統張達夜襲元師敗還元人進薄世傑之舟甲申弘範四分其軍自將一軍相去里許令諸將曰宋舟西艤崖山潮至必東遁急攻之勿令得去聞吾樂作乃戰達令者斬先麾北面一軍乘早潮而戰世傑敗之李恒等順潮退師午潮上元師樂作宋師以為且懈不設備弘範以舟師犯其前南師繼之宋師南北受敵兵士皆疲不能復戰俄有一舟檣旗仆諸舟之檣旗皆仆世傑知事去乃抽精兵入中軍諸軍大潰元師薄宋中軍會日暮風雨昏霧四塞咫尺不辨世傑乃與蘇劉義斷維以十六舟奪港而去陸秀夫走帝舟帝舟大且諸舟環結度不得出走乃先驅其船入海即負帝同溺焉帝崩後宮諸臣從死者甚眾越七日屍浮

海上者十餘萬人因得帝屍及詔書之寶已而世傑復還崖山救兵遇揚太后欲奉以求趙氏後而立之揚太后始聞帝崩撫膺大慟曰我忍死艱閉至此者正為趙氏一塊肉耳今無望矣遂赴海死世傑葬之海濱世傑將趨安南至平章山下遇颶風大作舟人欲離岸世傑曰無以為焚香仰天呼曰我為趙氏亦已至矣一君亡復立一君今又亡我未死者庶幾敵兵退別立趙氏以存祀耳今若此豈天意耶若天不欲我復存趙祀則大風覆吾舟舟遂覆世傑溺焉宋亡○崖山既破元張弘範等置酒大會謂文天祥曰國亡丞相忠孝盡矣能改心以事宋者事今不失為宰相也天祥泣然出涕曰國亡不能救為人臣者死有餘罪况敢逃其死而貳其心乎弘範義之遣送于燕京道經吉州痛恨不食八日猶生乃復食十月天祥至燕不屈

繫獄勵操愈堅○宋之故臣亦有由嶺海走安南者安南自其國王
 李乾德卒於紹興子陽煥立陽煥卒子天祚立天祚卒於淳熙子龍
 翰立龍翰卒於嘉定子吳昷立世奉宋正朔當龍翰時有閩人陳京
 入其國得政為國壻京子承再世執其國柄及吳昷時承奪其國傳
 子威冕理宗受其貢而封之威冕傳子日照宋亡乃改名日烜奉貢
 于元初邵雍與客語及國祚取晉出帝紀示之靖康驗矣至德祐益
 驗陳搏亦嘗有一汴二杭三閩四廣之說宋果至閩廣而盡自太祖
 建隆至欽宗靖康一百六十七年自高宗建炎至祥興又一百五十
 三年
 右宋自太祖建隆元年庚申至帝昺祥興己卯九百二十年而
 七

十八史略卷之七大尾

明治十六年三月七日出版御届
 同 年同月 刻成發兌

大阪府平民

定價金壹圓

訓點人

白井秀達

大阪府下東成郡南平野町
 中町百八拾八番地

大阪府平民

出版人

此村庄助

大阪府下南區順慶町通
 四丁目三番地



